



Gaskesadth

Ibte tjoerh diedtem biejedh sorkijasse gaskesadtedh. Aellieh jiehtieh "ringkh munnjen jis mij akt, manne daesnie dov gaavhtan". Dellie stoeerre hille sorkije ij åajsoeh gaskesadtedh. Jiehtieh buerebh "manne dutnjien ringkem dæjstan, vaeltieh tellefovnem jis sijhth." Jis sorkije ij vaestedh, maahtah ikth vielie ringkedh. Jih vihth ringkedh, gellien aejkien.



Tsööpkh sjeavodsvoetem

Jeenesh tuhtjeh geerve gaskesem sorkijinie vaeltedh. Maam edtjeh jiehtedh? Enn jis eevre sjeavohth sjædta gosse ringkh jallh sorkije aalka tjeardh? Ij leah vihkielommes maam jeahtah, men doesth sjeavodsvoetem tsööpkedh. Sâemies aejkien teekstebievnesie lea buerebe goh ringkedh, daamtaj aelheke bievnese åadtjodh jih dam vaestiedidh.



Vedtieh sijjiem

Maahta jeenesh årrodh mah seamma almetjen bijjelen surkieh seamma tijjen. Fiereguhte almetje mij aktem lihkes almetjem dasseme, aktem sjiere ektiedimmiem åtna disse mij lea sealadamme. Sårkoe lea joekehts almetjistie almetjasse. Tjoerebe baajedh årrodh sårkoem jijtjereeredh jijtjene mojhtesigujmie jih domtesigujmie. Tjoerebe mujhtedh sorkijen domtेश dah mah leah faamosne, saht magkerh domtेश dah leah. Mijjen åssjaldahkh jih soptsesh leah hævvi aaj vihkeles – men eah vihkielommes.



Vaeltieh skraejriem

Gihtjeh mejtie edtjede aktem eevre biejjeladtje darjomesem darjodh. Maahtah bööredidh bætedh prihtjegem jovkedh, filmem vuartasjidh, jallh dæriedidh ånnetji ålkone minnedh. Gellie sorkijh liegkedimmiem mietie sårkosne jih ohtje siejhme aarkebiejjien mietie haeliedieh. Mujhtieh dihte maam böörh dagke ij sijhth bætedh jallh dæriedidh, jih dam tjoerh jååhkesjidh. Vihkielommes datne gihtjeh – jih doesth ikth vielie gihtjedh.



Vuesehth datne desnie

Jeenesh mijjeste billebe mubpiej jielede sijse tjihtedidh, jih dellie illedahke maahta sjidtedh mijjeh ibie maam gænnah darjoeh. Dagke ussjedibie sorkije buerebh sæjhtraeaffesne årrodh, jallh vuertebe gaskesem vaeltedh goske "vierremes lea nåhkeme". Tjoerebe tjiekelakaan vuesiehtidh mijjeh desnie, olles sorkije ålkolen jallh åajaldamme domth.



Årroeh vissjeles

Vuesehth datne guarkoeh fierhten sorkijen lea jijtse sårkoeprosesse. Aellieh sårkoem "båarhte soelkehth", jih aellieh aajpehtsvoetem vuesehth jis sorkije ij guhkiebasse bætieh. Ij leah sårkoen naan "bööremes åvtelen-daatoe", jih ij naan iemie jallh ov-iemie guhkies tijje sorkedh. Naakenh daarpesjeh seamma histovrijen soptsesidh gellien aejkien, jih naakenidie maahta akte vihkeles bielie årrodh sårkoem guarkedh jih gietedidh.

Mij Voestes viehkie sårkosne?

Lyövlehke oktegh årrodh sårkosne. Dan åvteste gærhkoe åssjaldahkh jîh tjïelke raerïeh tjööngh-keme mah maehtïeh mijjem viehkiehtïdh stïeresne årrodh mubpiealmetjïdie sårkosne. Sårkoe baektjede, seamma tijjen maahta sårkoem vielie gaarsjelïdh gosse åådtje dam juekedh. Gærhkoen lea guhkïes dååjrehtïmmïe sorkïjh dåastoehthïdh jîh dåarjoehtïdh. Daah raerïeh earnadïeh viehkïne årrodh don voestes baelïen gosse naakenh leah aktem dasseme maam gaarhta.

Gaajhkh sårkoeh leah sjïere. Ij naan bïhkedassh gååvnesh mah ïktesth leah reaktoe, ij leah naan vihtïes saetniesvoeth. Dagke daate aaj akte dejstïe fåantojste man åvteste dan jeenjesh juerïedisnïe sjïdtïeh gosse edtjïeh mubpïeh gaavnedïdh sårkosne. Daej raerïejgumïe Nöörjen gærhkoe gegkeste viehkïne årrodh guktïe jïenebh ånnetjï jearsoesåbpoe jîh buerebe ryöjredamme domtoeh, olles naakene mijjen bïjre tjoerh oktegh årrodh sov sårkosne.

«Frykt ikke, for jeg er med deg, vær ikke redd, for jeg er din Gud! Jeg gjør deg sterk og hjelper deg og holder deg oppe med min rettferds høyre hånd.»

Jesaja 41,10

Raerïeh mejtïe daennïe tjaalegisnïe gaavnh leah ajve naakenh dejstïe dahkojste mejtïe maahtah sorkïjen åvteste darjodh. Aellïeh vïenhth dov onne viehkie ij gaagnïne sjïdth, dovne onne dahkoe maahta vihkeles årrodh. Jis vielie viehkiem sjïhth jallh sjïhth naakenïgumïe soptsestïdh, maahtah maaje åålmegeg vaaksjodh gusnïe årroeh jallh nettkirken.no. Maahtah aaj rohkelassem rohkelïdh jallh tjoevkesem båaltajehth sïjjesne kirken.no/be.

Sveerjen gærhkoe lea tjaalegem dorjeme, jîh Gærhkoeraerie, Nøørjen gærhkoe lea dam jarkoestamme. Stina Löfgren lea guvvide dorjeme)



Voestes viehkie sårkosne

Tjïelke raerïeh mah maehtïeh mijjem ånnetjï viehkiehtïdh stïeresne årrodh almetjïdie sårkosne